

欽定中樞政考

欽定中樞政考目錄卷之二十八

八旗

訓練

奏派閱兵大臣

大閱時先期按旗操演

大閱先期奏請

大閱值年

大閱官兵數目

大閱儀注

大閱賞賚

軍令

經畧儀注

點驗軍器

查驗各門各堆撥軍器年限

點驗

盛京官兵軍器

查點軍器處分

王公等弓箭數目

官兵箭枝數目

隨圍王公大臣應帶箭枝數目

在京各旗營步軍營巡捕五營委員盤查軍

器

駐防委員盤查軍器

軍器缺額

質當軍器

兵丁軍器交代

礮營交代

奏派閱兵大臣

閱兵大臣缺出由值年旗將應派王大臣職  
名奏請

欽點每年辦理操演事務預備

皇上閱看

大閱時先期按旗操演

乾隆五十六年十月內奉

上諭每年大閱時閱兵大臣等將八旗官兵合爲一處操演但八旗官兵數目較多若合爲一處操演一二次其操演不齊之處一旦難以看出著交閱兵大臣等嗣後大閱時先將八旗官兵按旗演看後再行合爲一處會演如此有不整齊之處彼時卽可以看出指教亦可易示儆戒欽此

大閱先期奏請

一 奏請

閱兵由兵部三年一次具奏請

旨如

皇上閱兵之年其本年八旗合操及點驗器械之處

俱行停止

大閱值年

一八旗護軍營每年將左右兩翼護軍統領等職名繕寫緣頭牌進

呈每翼

欽派值年護軍統領二員專司交衝其左右兩翼交衝官兵交八旗護軍統領等預先揀派年壯兵丁善跑馬匹交值年護軍統領等留心指示如至操演合操時有不整齊及遲誤者將兵丁責處該管章京並護軍統領均照例分



別議處

例載處分則  
例營伍門

至八旗各營前往合操

大臣到時先至將臺往見閱兵大臣照行圍  
管頭纛大臣之例公同畫圈後再上隊帶領  
官兵操演兵丁內如有放礮遲誤烏鎗走火  
進退違式者該管大臣章京等隨時記名俟  
演畢帶至將臺責懲示衆

大閱官兵數目

一大閱官兵數目頭隊之前漢軍火器營官兵  
排列每旗鹿角二十架擡鹿角兵各八十名  
長槍各二十桿聯接棍各二十副卽令擡鹿  
角兵執持鹿角兩旁引繩兵各四名在頭隊  
之前居中排列每旗神威礮十位礮手各三  
十名掌礮車甲兵各一百一十名掌礮車小  
旗各十桿背旗領催各十名叅領肅各十桿  
執肅甲兵各三十名在鹿角左右按翼排列

每旗護礮小旗各十桿背旗領催各十名護礮鳥鎗各一百桿鳥鎗甲兵各一百名紅旗各二桿點旗領催各二名金各五面鳴金甲兵各十名鼓各一面擡鼓甲兵各四名擊鼓甲兵各二名海螺各五箇鳴螺甲兵各五名叅領各二員章京各十員驍騎校各十員列於漢軍礮位之後漢軍鳥鎗營每旗礮二桿執纛領催各一名甲兵各三名隨纛章京各一員護纛小旗各二桿背旗領催各二名護

纛鳥鎗各二十桿鳥鎗甲兵各二十名叅領  
纛各五桿執纛甲兵各十五名小旗各二十  
桿背旗領催各二十名鳥鎗各二百桿鳥鎗  
甲兵各二百名紅旗各二桿點旗領催各二  
名金各五面鳴金甲兵各十名鼓各一面撻  
鼓甲兵各四名擊鼓甲兵各二名海螺各十  
三個鳴螺甲兵各十三名每翼都統二員每  
旗副都統一員叅領各二員章京各五員驍  
騎校各七員列於鹿角之後信礮三位於正

黃旗派隨礮叅領一員礮手五名漢軍籐牌營每旗纛一桿執纛甲兵各三名小旗各五桿背旗領催各五名籐牌各八十六面執牌甲兵各八十六名紅旗各一桿點旗甲兵各一名金各一面鳴金甲兵各二名鼓各一面擡鼓甲兵各二名擊鼓甲兵各一名海螺各五箇鳴螺甲兵各五名叅領各一員章京各二員驍騎校各二員列於漢軍礮營之後以上八旗漢軍火器營及籐牌營共派大臣十

二員官三百三十七員礮手二百四十五名  
掌礮甲兵八百八十名執纛背旗領催甲兵  
七百九十二名鳥鎗甲兵二千五百六十名  
籐牌甲兵六百八十八名點旗鳴金擊鼓鳴  
螺甲兵四百四十名擡鹿角兵六百四十名  
擡鼓引繩兵一百一十二名共兵六千三百  
五十七名應用旗纛十六桿叅領纛一百二  
十桿紅旗四十桿小旗三百七十六桿鹿角  
一百六十架長槍一百六十桿聯接棍一百

六十副神威礮八十位鳥鎗二千五百六十  
桿籐牌六百八十八面金八十八面鼓二十  
四面海螺一百八十四箇滿洲火器營大臣  
五員左右兩翼翼長各一員每旗纛四桿執  
纛護軍各八名小旗各二十四桿背旗鳥鎗  
藍翎長各十二員背旗鳥鎗頭目各十二名  
鳥鎗各二百四十桿鳥鎗護軍各二百四十  
名紅旗各二桿點旗護軍各四名海螺各二  
十箇鳴螺護軍各二十名鳥鎗營總各一員

烏鎗護軍叅領各一員副烏鎗護軍叅領各  
一員委署烏鎗護軍叅領各四員烏鎗護軍  
校各二十三員烏鎗藍翎長各一十二員烏  
鎗頭目各一十二名按翼列於漢軍礮營之  
次滿洲火器營每旗子母礮五位礮手及掌  
礮甲兵各五十五名蘇各一桿執蘇甲兵各  
二名小旗各五桿背旗礮長各五名兼管礮  
營副烏鎗護軍叅領各一員烏鎗護軍校各  
五員烏鎗藍翎長各五員在火器營護軍內



按旗居中排列以上八旗滿洲火器營共派  
大臣五員官五百一十四員鳥鎗頭目一百  
九十二名鳥鎗護軍一千九百二十名執  
點旗鳴螺護軍二百五十六名礮位背旗  
長四十名礮手及掌礮甲兵四百四十名  
礮甲兵十六名共兵二千八百六十四名  
用子母礮四十位鳥鎗一千九百二十桿  
螺一百六十個礮四十桿紅旗十六桿小  
二百三十二桿火器營礮鎗連環施放畢

籐牌營內撥執纛甲兵二十四名背旗領催  
四十名籐牌甲兵四百名點旗甲兵八名鳴  
金甲兵十六名撞鼓甲兵十六名擊鼓甲兵  
八名鳴螺甲兵四十名叅領八員章京十六  
員驍騎校十六員出鹿角演舞籐牌漢軍烏  
鎗營內撥執叅領纛甲兵一百二十名背旗  
領催一百六十名烏鎗甲兵一千六百名點  
旗領催十六名鳴金甲兵八十名鳴螺甲兵  
八十名叅領十六員章京四十員驍騎校四

十員漢軍礮營內撥執叅領懸甲兵一百二十名背旗領催八十名護礮烏鎗甲兵八百名點旗領催十六名鳴金甲兵八十名鳴螺甲兵四十名叅領八員章京四十員驍騎校四十員滿洲火器營內撥執熏護軍六十四名背旗烏鎗藍翎長九十六員背旗烏鎗頭目九十六名烏鎗護軍一千九百二十名點旗護軍三十二名鳴螺護軍一百六十名翼長二員烏鎗營總八員烏鎗護軍叅領八員

副烏鎗護軍叅領八員委署烏鎗護軍叅領  
三十二員烏鎗護軍校二百二十四員烏鎗  
藍翎長八十八員烏鎗頭目九十六名共撥  
官六百一十員兵五千五百六十名俟籐牌  
舞畢卽進步連環施放頭隊前鋒營八旗分  
爲八隊每隊八旗小旗八桿海螺各四箇每  
翼前鋒統領一員每旗前鋒叅領一員前鋒  
侍衛各一員前鋒校各八員鑲黃正黃二旗  
前鋒各一百零三名正白正紅鑲白鑲紅正

藍鑲藍六旗前鋒各一百零二名昔旗鳴螺  
前鋒在內護軍營每旗纛一桿小旗各六十  
一桿海螺各十四箇每翼護軍統領二員每  
旗護軍叅領七員護軍校各十四員鑲黃正  
黃正白正紅四旗護軍各二百三十二名鑲  
白鑲紅正藍鑲藍四旗護軍各二百三十一  
名執纛背旗鳴螺護軍在內以上頭隊共派  
大臣六員官二百四十八員前鋒八百一十  
八名護軍一千八百五十二名應用纛八桿

牙旗五百五十二桿海螺一百四十四個此  
內撥出前鋒營前鋒統領一員鑲黃正黃鑲  
白鑲紅四旗前鋒叅領各一員前鋒侍衛各  
一員前鋒校各八員小旗各八桿海螺各四  
個鑲黃正黃二旗前鋒各一百零三名鑲白  
鑲紅二旗前鋒各一百零二名分爲八隊護  
軍營護軍統領一員每旗護軍叅領二員護  
軍校各四員小旗各二十五桿海螺各四個  
護軍各九十六名共撥大臣二員官八十八

員兵一千一百七十八名於退兵時殿後頭  
隊兩翼護軍營每翼護軍統領一員每旗蘇  
一桿小旗各二十一桿海螺各四個護軍叅  
領各二員護軍校各七員護軍各七十八名  
以上頭隊兩翼每翼大臣一員官各三十六  
員兵各三百十二名蘇各四桿小旗各八十  
四桿海螺各十六個按翼斜行排列次隊驍  
騎營每旗滿洲蘇一桿蒙古蘇各一桿滿洲  
叅領蘇各五桿蒙古叅領蘇各二桿滿洲小

旗各六十三桿蒙古小旗各二十一桿滿洲  
海螺各十箇蒙古海螺各四箇滿洲門簾各  
二桿每翼都統二員每旗副都統一員滿洲  
叅領各二員蒙古叅領各一員滿洲章京各  
十五員蒙古章京各六員滿洲驍騎校各十  
五員蒙古驍騎校各六員滿洲領催各六十  
三名蒙古領催各二十一名鑲黃正黃正白  
正紅鑲白鑲紅六旗滿洲甲兵各一百九十  
名正藍鑲藍二旗滿洲甲兵各一百八十九



名蒙古甲兵各六十三名執纛背旗鳴螺甲  
兵在內以上次隊共派大臣十二員官三百  
六十員領催六百七十二名甲兵二千零二  
十二名應用旗纛十六桿叅領纛五十六桿  
門纛十六桿小旗六百七十二桿海螺一百  
十二箇次隊兩翼驍騎營每翼都統一員副  
都統各二員每旗滿洲叅領纛二桿蒙古叅  
領纛各一桿滿洲小旗各二十桿蒙古小旗  
各六桿滿洲海螺各五箇蒙古海螺各二箇

滿洲叅領各一員滿洲章京各五員蒙古章  
京各二員滿洲驍騎校各五員蒙古驍騎校  
各二員滿洲領催各二十名蒙古領催各六  
名滿洲甲兵各六十名蒙古甲兵各十八名  
以上次隊兩翼每翼大臣三員官各六十員  
催領各一百零四名甲兵各三百十二名纛  
各十二桿小旗各一百零四桿海螺各二十  
八箇隨頭隊兩翼護軍營後按翼斜行排列  
步撥海螺自閔武臺至鹿角之末兩翼斜行

排列鑲黃正黃正白正紅四旗海螺各十二箇鑲白鑲紅正藍鑲藍四旗海螺各十三箇每旗護軍叅領一員護軍校各一員鑲黃正黃正白正紅四旗護軍各十一名鑲白鑲紅正藍鑲藍四旗護軍各十二名以上兩翼共海螺一百箇官十六員護軍九十二名鑾儀衛大號五對官七員鳴號人二十一名五旗諸王大號五對官十員鳴號人二十名海螺親軍十二名領侍衛處海螺親軍校三員海

螺親軍四十名以上共大號十對官二十員  
鳴號人四十一名鳴螺親軍五十二名禁約  
聲息每旗護軍叅領一員護軍校各一員護  
軍各四十名滿洲蒙古漢軍三旗合派章京  
各一員驍騎校各一員甲兵各四十名以上  
共官三十二員兵六百四十名八旗給使官  
滿洲蒙古各一員漢軍各二員共給使官三  
十二員給使侍衛十二員備拏驚馬侍衛三  
十員其衛護管轄侍衛酌量分派

駕出宮用信礮三位派鑲黃旗漢軍叅領一員礮手

五名

駕入宮用信礮三位派正白旗漢軍叅領一員礮手

五名以上管隊大臣除滿洲火器營大臣前  
鋒統領各帶領本營兵丁排列外其管領漢  
軍火器營兵應派都統四員副都統八員頭  
隊應派護軍統領四員次隊應派都統四員  
副都統八員翼隊應派護軍統領二員都統  
二員副都統四員共三十六員由閱兵大臣

繕寫紅頭牌綠頭牌具奏請

旨派出管隊行走應派官兵由閱兵大臣行文各該  
旗照數派出應用礮位鳥鎗籐牌盔甲軍器  
纛旗鹿角金鼓號螺等項由閱兵大臣行文  
各該處先期修理預備

一大閱陣圖丈尺陣後共設三十四營左翼漢  
軍火器營四旗四營滿洲火器營四旗四營  
前鋒營四旗一營護軍營四旗四營驍騎營  
四旗四營右翼漢軍火器營四旗四營滿洲

火器營四旗四營前鋒營四旗一營護軍營  
四旗四營驍騎營四旗四營每營橫闊二十  
四丈長四十丈各營相隔各一丈共闊八百  
五十丈自立營處至次隊排列處相隔七十  
五丈次隊領催甲兵排列每旗橫闊八十一  
丈七尺五寸共闊六百五十四丈自次隊至  
頭隊排列處相隔十五丈頭隊前鋒排列每  
旗橫闊六丈護軍每旗橫闊七十五丈七尺  
五寸共闊六百五十四丈頭隊兩翼護軍次

隊兩翼甲兵排列每旗橫闊二十五丈每翼  
斜闊各一百丈左翼隊末至右翼隊末相隔  
七百一十四丈自頭隊至鹿角排列處相隔  
二十五丈鹿角排列每旗橫闊二十丈零二  
尺五寸共闊一百六十二丈漢軍礮位排列  
每旗橫闊二十二丈共闊一百七十六丈滿  
洲火器營烏鎗護軍排列每旗橫闊三十二  
丈按旗兩分礮位排列每旗橫闊五丈共闊  
二百九十六丈鹿角漢軍火器營兵滿洲火



器營兵排列共闊六百三十四丈自鹿角排列處至初次進步相隔五丈初次進步至第十次每進五丈共四十五丈第十次進步至演籐牌施放進步連環頭隊出鹿角外排列處相隔十五丈聲喊前進五十步駐立去鹿角外排列處二十五丈殿軍殿後處去前進駐立處十五丈自殿軍號纛至閤武臺相距七十丈自立營處至閤武臺共距二百九十丈閤武臺左右排列禁約聲息官兵每翼橫

閱三百七十五丈共閱七百五十丈步撥海

螺自閱武臺兩旁斜向排列至鹿角之末共

長一百九十丈

嘉慶十七年奏准查舊例入旗滿洲蒙古漢軍前鋒護軍

營內火器營共三十四營此次增添交衝健銳營外火器營兵請將健銳營添入左翼外火器營添入右翼共爲三十六營於大閱前期將派出官員兵丁在仰山窪操演數次後仍在南苑查嘉慶十七年三月內奉操演數次

上諭此次南苑大閱朕視排列隊伍處距閱武臺相隔

甚遠因查歷來大閱規制雍正年間自鹿角排列處

至閱武臺二百九十七丈五尺乾隆三十九年自鹿

角排列處至閱武臺一百七十五丈自係因舊制相距較遠是以排列近前此次鹿角排列處至閱武臺一百九十五丈則轉復移遠閱視不甚明晰嗣後每遇大閱鹿角排列處距閱武臺著定爲一百六十丈較之乾隆年間近十五丈視此次近三十五丈庶於閱視陣勢開闔進退較爲明晰著纂入會典欽此

奏定

大閱陣圖凡丈自營至次隊排列處七十五丈次隊至頭隊排列處十五丈頭隊至鹿角排列處二十五丈鹿角排列處至初次進步五丈初次進步至第十次進步每次五丈共四十五丈十次進步至演舞籐牌進步連環處十丈演舞籐牌進步連環處至頭隊聲喊

前進排齊處十丈頭隊聲喊前進排齊處至  
殿軍排齊處十丈自殿軍號至閱武臺入  
十丈自鹿角至閱  
武臺一百六十丈

一八旗大臣於出厰馬匹未回之先將該旗派  
出大閱之官兵於本旗教場操演若值滿洲  
蒙古漢軍三旗合操於兩黃旗教場操演若  
四旗合操或於安定門外或於仰山窪操演  
俟厰馬全回時閱兵大臣等先於仰山窪會  
合八旗操演一二次再往

南苑操演一二次擐甲操演

金史卷一百一十五  
三  
一恭遇

皇上大閱軍容京城八旗護軍營每旗合派滿洲蒙古護軍八十名八旗驍騎營每旗合派滿洲蒙古漢軍馬甲一百二十名各附於左右

長安

東安

西安

地安等門本旗火堆處值班上宿并每三旗未經派往閱兵之大臣內前往一員值宿約束稽

察

一恭遇

皇上大閱軍容步軍統領衙門除派巡捕五營守備  
二員千總把總共八員兵丁五百名在外四  
面巡邏外仍派步軍翼尉一員左右翼派步  
軍協尉各三員捕盜章京各七員步軍校各  
八員步軍領催各三十六名步軍各二百一  
十四名在閱兵次隊之後八旗大營之前備  
拏驚馬禁約聲息

大閱禮節

一大閱吉期由閱兵大臣約計月分奏請交欽  
天監選擇先期二日各旗前往

南苑設立帳房前一日閱兵大臣會同領隊大臣  
帶領官兵前往住宿

行宮前設騎駕信礮闕武臺設

黃幄

幄後附近設圓幄

黃幄兩旁設大號次設親軍海螺次設護軍海螺

按步撥乘騎斜向排至鹿角之末八旗殿軍  
號纛及頭隊聲喊前進駐立號纛各按本旗  
汛地建立漢軍鹿角在陣前居中排列漢軍  
鳥鎗在鹿角後排列漢軍礮位在鹿角兩旁  
排列護礮鳥鎗籐牌在礮位後排列滿洲火  
器營鳥鎗護軍按旗列於漢軍礮位之次滿  
洲礮位按旗間於鳥鎗護軍之中頭隊八旗  
前鋒分爲大隊乘騎在鹿角後居中排列其  
次八旗護軍按旗乘騎排列翼隊護軍按翼



乘騎斜向前排列次隊驍騎甲兵在頭隊後  
排列翼隊驍騎甲兵在翼隊護軍後按翼斜  
向前排列信礮在頭隊之前居中排列兵隊  
排齊兵部大臣奏

聞請

駕陞閱武臺信礮三施饒歌大樂作

駕出行宮臨閱武臺圓幄

躬御甲冑扈從大臣侍衛亦各擐甲前引大臣兵部

大臣對引

駕陞黃幄

御座部院大臣俱蟒服前進在

黃幄兩旁排列散秩大臣三旗侍衛在豹尾槍之  
末按翼排列豹尾槍後設金龍大纛酌派侍  
衛兩旁護衛管轄八旗給使官在臺下兩旁  
乘騎排列每翼侍衛六員乘騎在給使官之  
前近臺排列派馬上嫺習之新滿洲索倫蒙  
古侍衛三十員在給使侍衛之末按翼排列  
備拏驚逸之馬不必擐甲禁約聲息官兵在

閱武臺兩旁排列

皇帝用茶畢兵部大臣奏請鳴號螺

黃幄前所設大號先鳴親軍海螺步撥海螺以次  
遞鳴聲至鹿角前頭隊次隊海螺鳴畢步撥  
海螺漸次退回臺下兩旁排列陣內信礮三  
施擊鼓擡鹿角前進鳴金而止紅旗麾則礮  
鎗齊發如此九進至第十次礮鎗連環施放  
滿洲礮位至第七次停其點放將礮馱載隨  
行鳴金三次連環停止鹿角分爲八門簾牌

兵卽出鹿角演舞漢軍烏鎗滿洲火器營烏鎗亦出鹿角排列籐牌兵舞畢退回烏鎗兵卽進步連環施放頭隊前鋒護軍翼隊護軍各出鹿角排列次隊甲兵翼隊甲兵亦隨前進在火器營之後排列烏鎗兵進步連環施放畢退回頭隊前鋒護軍翼隊護軍卽鳴螺聲喊馳進在二層號纛之下駐立左翼隊馳歸右翼右翼隊馳歸左翼頭隊內卽出殿軍赴頭層號纛之下駐立殿後其頭隊聲喊前

進時鹿角火器營併次隊翼隊各甲兵卽結  
隊退歸原列處排列頭隊兵丁及殿軍翼隊  
兵丁亦卽結隊鳴螺而退進鹿角畢將鹿角  
掩閉各歸原列處排列兵部大臣將閱竣之  
處奏

聞

皇帝臨圓幄釋甲扈從大臣侍衛亦各釋甲

皇帝還宮饒歌細樂作信礮三施大臣官兵各回營  
釋甲率領該管官兵按隊伍沿途嚴行管束

陸續進城

一大閱之期如奉

諭旨先閱隊伍是日清晨大閱兵隊排齊兵部大臣  
奏

聞

皇帝臨閱武臺圓幄

躬御甲冑隨從大臣侍衛等亦擐甲冑俟擐甲畢奏  
聞

皇帝親臨隊伍在火器營兵之後頭隊之前自左往

右查閱還

登閱武臺

皇帝親閱隊伍時前引大臣兵部大臣在前引導後  
護大臣及派出閱兵大臣隨從其內大臣

御前侍衛大學士親隨大臣等俱隨行其次豹尾槍  
侍衛隨行豹尾槍後金龍大纛隨行其次三  
旗侍衛按次隨行部院大臣俱蟒服不必隨  
行

一大閱之期遇風仍行閱兵外

皇帝親閱隊伍之處閱兵大臣臨期具奏請

旨如遇雨雪另議奏

聞



大閱賞賚

一 大閱賞賚每旗

賞餼餽桌五十張豬二十口羊二十隻并烤炭等物  
由閱兵大臣等行文該處預備監看

賜食每旗王一大臣二員由閱兵大臣等行文咨取  
職銜繕寫紅頭牌綠頭牌具奏請

旨派出并派內務府官員內管領驍騎校茶膳房人  
等照管所有桌面豬羊等物卽交派出之王  
大臣等人役協同備辦於大閱日黎明王大

臣等并內務府官員茶膳房人等公同監

務合暖食

軍令

一發兵違約

國初所定發兵之時或在家或在外違約者該管  
叅領佐領等官每兵一名罰銀五兩若至革  
職等重罪候

旨定奪兵丁不遵約束抗違者酌量罪犯責治該管  
官仍行議處

一康熙十一年題准官員出征在家規避不行  
起身者革職在外違約者革職提問護軍及

領催兵丁等在家規避不行起身者鞭一百  
仍發往軍前在外違約者鞭一百所獲人口  
入官若係差遣之處不遵號令違誤者鞭一  
百出兵之處不遵號令妄行者爲首人正法  
餘俱枷號三箇月鞭一百該管官照例議處  
例載處分則  
例營伍門

### 一禁令

國初所定親王郡王貝勒貝子公等遇敵交鋒若  
七旗敗遁一旗攻戰有裨於七旗者將一旗

下七箇佐領人丁給與一旗若一旗敗遁七  
旗交戰將敗遁人丁分與七旗若一旗內一  
半攻戰一半敗遁卽將敗遁人丁撥與本旗  
攻戰之人如一旗內一半有事他處未與攻  
戰其半旗雖敗免其折旗留給本旗未戰之  
王貝勒貝子公等其攻戰之各旗酌量賞給  
若遇敵猝乘七旗未及准備而一旗獨能攻  
戰亦止照功賞給不在敗遁折旗之例又凡  
曠野遇敵時如不按隊伍輕入敵陣或見敵

兵單少不行請示擅白奔馳者將所乘之馬併本次俘獲人口入官又凡列陣攻戰時須從容縱馬各照對敵前進若遷延趨避尾附他隊或他隊已進立視不前者各按所犯治罪又凡進兵之際或有稍先稍後者克敵後不許彼此爭競至敵人敗北勢宜追逐者須選精騎當先其都統護軍統領等各領本纛分隊隨後以防追兵陷入埋伏倘追趕時或被伏兵攔截都統護軍統領等卽行迎敵又

凡出兵時各認本佐領旗號依隊而行都統  
副都統設軍統領叅領佐領各以次第管轄  
嚴行約束不許離伍亂行爭取遺物不許酗  
酒誼譁亂行者罰銀三兩給拏獲之人誼譁  
酗酒者責治至失火者論死軍器及軍  
器馬絆等項俱釘字號馬尾後絆帶印馬  
無印者罰銀二兩箭無字者罰銀十兩給拏  
獲之人無銀者鞭三十如偷盜鞍轡籠頭等  
物者照偷盜例鞭責至夜間行營勿得吹哨

違者治罪又凡有一二人妄行搶掠被人傷  
害者卽將妻子入官該管官仍治罪又凡官  
兵出征不許拆毀神廟不許妄殺平人抗拒  
者擊投順者撫其俘獲之人勿得剝去衣服  
拆散夫妻至不堪俘獲者亦不得傷害俘獲  
之人勿令看守馬匹又凡出征大臣務平定  
地方救濟生民嚴禁兵丁不許搶掠平定之  
日論功陞賞若縱兵搶掠指良爲賊妄行殺  
戮者從重治罪又凡出征敗陣者斬其免死



與不至死者枷號三箇月鞭一百又凡搶奪  
民人柴草者鞭八十賠還柴草該管官照例

議處

例載處分則  
例營伍門

康熙十八年奉

上諭領兵諸王將軍等借捕賊爲名燒民房舍擄掠子  
女搶奪財物或分兵所往之處私自擄掠者令該督  
撫題叅治罪如督撫隱匿事發日督撫革職欽此

一軍前救人

國初所定臨陣衆寡不敵在危急時被人救出者

照被救人陣亡卹賞減去一半其一半官出  
一分被救人出一分賞給能救之人若兩軍  
相戰時有能將落馬之人救出與馬騎者係  
公以下副都統以上給銀一百兩叅領輕車  
都尉以下給銀六十兩平人給銀二十兩俱  
於落馬人名下追給如將屍骸救出者賞給  
官馬一匹其樵牧軍士亂行陷敵被人救出  
者亦酌量卹賞於帶領官名下追銀一半賞  
給能救之人若不係行帶領官無罪令被

救人給與分救出至親不在此例

一攻城救人

國初所定攻城不克將城下被傷之人有能救回者照被傷人應得卹賞例減去一半其一半官出一分被傷人出一分給與能救之人如將屍骸救出者令同領戰官給銀三十兩

一康熙十九年題准或攻城或野戰如將陣亡屍骸不能救出者同戰之叅領閒散官護軍校驍騎校並領戰之該營總領戰之大臣均

照例議處

例載處分則  
例營伍門

一凡官兵被傷舊例攻戰失利被傷官兵概免議處康熙二十三年議准被傷官員兵丁若係頭等二等傷痕免議三等以下傷痕仍與失利者同罪如未經被傷冒作傷痕退回者照規避例治罪若係官員重傷止許親隨人等送出無親隨人令甲兵一二名護送兵丁重傷亦止令甲兵一二名護送多差者差撥各官議處多送甲兵亦同治罪

一康熙三十四年議定條約內開本朝自

列聖至今有戰必勝攻城必克所向無敵者蓋因賞罰  
分明律令嚴肅兵丁精銳器械整齊兼之祖  
父世受國恩各盡惓誠奮勉之故耳凡遇出  
征各該都統護軍統領副都統叅領等須查  
明官兵盔甲弓箭軍前應需一切軍器務令  
精銳堅固兵丁盔尾及甲背令其拴釘姓名  
甲牌馬駝鬃尾令其拴寫旗分佐領姓名并  
用印烙凡於啟行及途次行走官兵各帶輜

重按本旗叅領旗纛行走毋得零星亂行前  
後攙越如有此等亂行并敢酗酒者該管官  
卽拏懲責自出城以至回兵勿忘軍令恪遵  
行走不得諠譁不得喊叫如有違令離纛零  
星亂行并令輜重隔離本隊諠譁喊叫者該  
管官卽拏懲責結營之時各按本旗本隊駐  
劄如有攙越旗分前後亂行爲非者將該管  
大臣官員分別治罪其馬無印烙者罰銀二  
兩箭枝無字者罰銀十兩俱給與拏獲之人

偷盜籠頭馬絆馬韉者照所犯鞭責偷盜鞍轡等物及馬匹者按贓之多寡照例治罪失火者亦從重治罪官兵跟役不得於所過地方苦累百姓蒙古擾害民間妻子搶奪馬匹什物踐踏田苗妄離本營潛入村落山谷強取物件違令者兵丁跟役卽嚴加懲治家主係官照例議處

例載處分則  
例營伍門

係兵丁鞭六十

約束不嚴之專管官兼轄將領並該管大臣

均照例分別議處

例載處分則  
例營伍門

如係該管各

官縱令生事者照例議處

例載處分則領催  
例營伍門

鞭八十如在卡倫以內兵丁跟役逃走者卽  
行查拏照定例治罪如已逃出卡倫者該管  
大臣等卽派章京兵丁務令窮追拏獲無論  
兵丁跟役卽按軍法從事其前往追拏逃人  
不獲者將追趕之章京兵丁從重治罪逃人  
之主并該管官員亦一併嚴加治罪凱旋之  
日凡有軍器不得賣與蒙古著嚴行禁止如  
有違令私賣盔甲軍器者將私賣之人從重



治罪該管官照例議處

例載處分則  
例營伍門

再馬駝

係大兵所需緊要之項貧夜看守地方添撥  
章京兵丁加意巡防揀擇好水草處所牧放  
進兵之時派留官兵在後查收遺失疲乏馬  
駝其遺失馬駝按照印烙并所拴姓名交還  
原主其疲乏者開明馬駝毛皮數目交與就  
近地方官或村莊百姓及扎薩克蒙古等喂  
養將交令喂養數目報明兵部如敢將遺失  
馬駝隱匿乘騎將疲乏馬駝知而遺棄及宰

殺者嚴加治罪令遺失疲乏馬駝之主將馬  
駝毛皮開明呈報兵部註冊其放卡地方向  
無帶纛之例坐卡人等不許帶纛前往各按  
旗分將小旗帶往離大營稍遠放卡加謹瞭  
望晚間撤回就近住宿放卡地方不許攜帶  
帳房不得舉火止許乘騎一馬前往馬不離  
鞍白晝務將馬匹在左近拴喂夜間割草拴  
養不許寫遠散放必須謹慎如有敵至審實  
卽刻報明領兵將軍大臣如不審實並非敵

寇誤報敵寇并賊人將近漫無知覺怠忽報  
遲者所關甚重領兵將帥將該卡官兵卽在  
軍前按法從重治罪示衆其坐堆尋踪官兵  
夜間弓必上弦毋得脫衣解開甲包預備不  
得忽畧加謹防守如係駐劄地方毋得遲居  
兵丁每日射箭修理軍器務令精銳仍不時  
將所傳軍令曉諭堆卡加意嚴肅晝夜不許  
閒人行走凡有行走之人詳悉詢問其穿著  
衣冠所佩器械詭異者卽行拘拏如坐堆卡

之人疎忽怠玩或偷眠或空一二人者該管大臣官員查出將官兵嚴加治罪至與敵相近領兵將軍大臣酌量添撥前鋒叅領兵丁前往務令探明敵人虛實踏勘地方情形遇敵對陣時領兵將軍大臣務必詳審地勢或係曠野或係排駝營陣或係排列櫓木營陣卽分開隊伍排列整齊并令某隊伍某旗分擊賊之處詳加指示鳴螺進兵於敗賊之後收兵時鳴螺收兵進攻之時如何旗所向

敵寇堅勁不動卽令預備兵丁前往應援如  
違此例將領兵將軍大臣不准議功仍行治  
罪敵人或在曠野或係排駝營陣或係排列  
櫟木營陣於對面進攻之時如王貝勒貝子  
公大臣等有越次前進并見敵兵無幾不行  
請示越次前進者不准議功仍行治罪務須  
排列整齊各按本隊緩轡前進如不按本隊  
前進尾隨他隊及棄離本隊由他隊前進併  
他人前進行立觀望者應治以斬絞籍沒懲

責革職擬罪之處各按所犯完結排列進攻之時或有稍先稍後者不得以我先彼後爭競既能隨本隊敗賊有將伊議論者卽係心術不端置之勿論如賊人不敢抵敵敗走卽選精兵壯馬令其追趕隨卽分隊接踵前進如追趕之人誤陷伏兵處所或突遇他寇後隊兵丁卽便接攻攻擊凡攻敵驚潰時嚴禁兵丁毋許擄掠牲畜財物如正當對陣之際違令希圖搶奪財物者卽將官兵懲責治罪

其有責任之大臣官員既經給有親丁軍前  
若再挑取護軍披甲漢仗好者則對敵之時  
精銳兵丁必致缺少嗣後大臣官員除原有  
親丁外軍前不准挑取其無親丁之官員及  
委署之章京等出征各准挑取一名再軍糧  
所關綦重凡出征之時官兵口糧務令按限  
定日期裹帶若不按數裹帶以致缺少者將  
該管官員并少帶之官兵從重治罪其有跳  
越排駝營陣及排列櫟木營陣身故者准予

從優議敘兵者所以除亂安民之舉領兵大  
臣有能嚴行約束所屬官兵不致擄掠爲非  
擾害良民綏靖地方者務加陞賞如違令縱  
容所屬官兵擄掠爲非擾害良民者定行從  
重治罪再與敵相近凡禁止火燭及一切軍  
令既經通行曉諭仍敢故違者將違令之人  
卽按軍法從事如有傳行不到者將傳行不  
到之人亦按軍法從事

雍正九年八月內奉



上諭自古用兵之道首以申明號令爲務周易曰師出以律周書曰不愆於六步七步不愆於四伐五伐乃止齊焉可知進退步驟之間尺寸不可違越方爲節制之師而平日必須申明號令使三軍之士無不熟知深曉倘其中或有不遵者則按軍例置之於法是其獲罪乃本人之自取無所歸咎雖領兵將帥不能以已意一毫輕重於其間此大公之道也我國家武備精強超越往古歷來軍行之際紀律嚴明信賞必罰是以天戈所指迅奏膚功此中外臣民所共知者

今承平日久新進少壯之人未曾親歷戎行則於從前規制未必一一諳練若不詳細申明宣諭以致官弁兵丁等或因陷於不知而遽罹罪譴朕心實爲不忍今特令大臣等酌議軍令條約經朕親加覽定凡大端細務莫不備載其中者蓋以軍機關係至重必使事事合於紀律人人祇奉章程勿犯重罰而妄冀從輕勿因事小而不遵成法將來荷

天眷佑奏凱言旋凡我弁兵等數十萬人有大功而無小過此則朕心所厚望者也著卽刊刻交與兩路大

將軍通行頒布咸使凜遵特諭欽此

一戰陣之際原憑掌號擊鼓鳴金以爲進止若有官兵違令聞聲不進聞聲不止者俱斬

一官兵戰陣之際務須奮勇前進如有回顧畏縮交頭接額私語者俱斬

一專司掌號擊鼓鳴金之人聞掌號擊鼓鳴金之令即便掌號擊鼓鳴金聞停止之令即便停止違令者滿洲蒙古兵丁鞭四十綠旗兵丁細責三十棍如遇打仗之時違令者斬

一凡關係軍情大將軍密傳及一應軍令轉傳之人如敢將其中要言私自增減併將疑似法令添造者斬

一大將軍將緊密軍令曉諭其人後其人私告他人以致宣揚誤事者斬

一官兵殺傷良人冒功者斬

一官兵將他人戰功冒爲己功及謊稱實在効力將無作有以輕報重者斬

一官兵沿途欺壓民人番夷強擄什物柴薪併

強買強賣拆毀良人房屋淫污民人婦女者  
俱斬

一指稱夢寐之中眼見鬼神無故造言生事謠  
言惑衆者斬

一兵丁中途染病該管委署護軍校領催紅旗  
管隊卽同護軍校驍騎校千總把總一同驗  
確稟明該管官員令醫調治如不行驗看調  
治該管委署護軍校領催鞭五十紅旗管隊  
細責四十棍護軍校驍騎校千總把總插箭

如兵丁妄稱患病懶惰偷安者斬

一大將軍副將軍叅贊大臣領兵提督總兵密  
議軍情之時如有私行偷聽者卽係洩漏軍  
機之人犯者斬

一差往探聽賊人形勢之人畏縮不往妄稱已  
到彼處及以少報多以多報少探信不實者  
卽係貽誤軍機之人犯者斬

一如有遺失馬匹其獲馬之人卽稟明該管官  
員如敢隱匿不稟私行乘騎不行給還失馬

之人者滿洲蒙古兵丁鞭五十綠旗兵丁細責四十棍仍插箭遊營如敢私行屠殺或偷賣與他人者俱斬

一兵丁偷盜馬匹潛逃者該管官卽派兵丁頭目追拏如係戰陣之時梟首示衆如係劄營地方滿洲蒙古兵丁鞭一百綠旗兵丁細責八十棍

一劄營地方每夜放卡兵丁必須輪班坐卡務宜嚴整留心訪察如夤夜有事一面秘密遞

稟申明一面整齊等候如敢混行移動走散  
恐懼喊叫以致亂營者斬

一兵丁故意私語嗟怨長吁短嘆者係滿洲蒙  
古兵丁鞭七十綠旗兵丁細責六十棍被責  
之後復犯併戰陣之時故違者照煽惑人心  
例斬

一兵丁不守軍令無故聲喊併在營內混行走  
動高聲言語白晝犯者滿洲蒙古兵丁鞭五  
十綠旗兵丁細責四十棍如起更後聲



動以致亂營者斬

兵丁將該管官員所諭之言口是心非辭色之間顯形傲慢者滿洲蒙古兵丁鞭五十綠旗兵丁細責四十棍如乖戾不遵有意抗違以致貽誤軍機者照不遵約束例斬

一堆放草廠兵丁不加意防範以致失火燒燬草廠者滿洲蒙古兵丁鞭一百綠旗兵丁細責八十棍如係對敵要地失火燒燬草廠者斬

一兵丁不加意防火致燒燬衣服器械者滿洲  
蒙古兵丁鞭五十綠旗兵丁細責四十棍如  
係存貯火藥地方失火滿洲蒙古兵丁鞭一  
百綠旗兵丁細責八十棍該管護軍校驍騎  
校委署護軍校領催千總把總紅旗管隊槩  
行插箭遊營如係對敵戰陣之際營內失火  
以致誤事者兵丁併該管委署護軍校領催  
紅旗管隊俱斬

一兵丁有黃夜夢驚者其左右併同一帳房之

人不許隨順聲應卽行喚醒如敢混行

以致攪亂合營之人者聲應之人滿洲蒙古  
兵丁鞭七十綠旗兵丁細責六十棍該管委  
署護軍校領催紅旗管隊插箭遊營如近賊  
營犯者俱斬

出入營門之人務當嚴查如敢無故私行放  
人進營者看守營門之人滿洲蒙古兵丁鞭  
七十綠旗兵丁細責六十棍如打仗之時犯  
者斬

一差往探信之人如遇投誠賊人先行稟明領兵官員如不行稟報者滿洲蒙古兵丁鞭七十緣旗兵丁細責六十棍如不將投誠賊人解送該管官以致復行逃散者滿洲蒙古兵丁鞭一百緣旗兵丁細責八十棍如將軍情之虛實洩漏者照洩漏軍機律治罪

一兵進剿敗賊後如有遺失馬匹財物務須等候大將軍軍令始行派撥官兵收取如不候軍令私行前往奪取者插箭遊營如因奪

取攪亂隊伍者斬

一凡有倚強壓弱酗酒爲非不遵該管官之約束者分別鞭責插箭

一營內所挖井泉不許污穢其飲馬泉水務須另挖不許馬匹踐踏違者滿洲蒙古兵丁鞭一百綠旗兵丁細責八十棍

一兵丁口糧甚宜愛惜兵丁支領口糧之時以及支領之後如敢混行拋棄者滿洲蒙古兵丁鞭一百綠旗兵丁細責八十棍該管委署

護軍校領催紅旗管隊等如不呈報者插箭  
一行兵之時如遇有草地方俱當看明踪跡陸  
續行走如有不顧隊伍左右參差混行以致  
踐踏路旁好草者滿洲蒙古兵丁鞭一百綠  
旗兵丁細責八十棍剗營之時牧放馬駝羊  
隻如敢不在所指牧廠牧放任意到處踐踏  
者滿洲蒙古兵丁鞭一百綠旗兵丁細責八  
十棍仍插箭遊營該管官插箭

一兵丁沿途牽領運米馬匹如敢私盜一升一

合併偷盜同行兵丁口糧以及毀傷盛米布袋不行修補以致拋棄米石者滿洲蒙古兵丁鞭一百綠旗兵丁細責八十棍

一軍器等項內撒袋腰刀皮繩不行收拾牢固以致遺失併應帶器械不隨身攜帶者滿洲蒙古兵丁鞭一百綠旗兵丁細責八十棍該管委署護軍校領催鞭四十紅旗管隊細責三十棍護軍校驍騎校千把等官插箭

一兵丁路見他人遺失腰刀戰箭等物卽行拾

取稟明該管官查問給還如見物不拾併將所拾之物不行給還者滿洲蒙古兵丁鞭四十綠旗兵丁細責三十棍均插箭遊營

一並無緊要事件私行跑馬者滿洲蒙古兵丁鞭五十綠旗兵丁細責四十棍仍將馬匹撤回令其步行

一行兵之時各按隊伍依次行走無論道路坦平窄狹後隊俱不得越過前隊違者滿洲蒙古兵丁鞭五十綠旗兵丁細責四十棍仍插



箭遊營

一劄營之後各營兵丁每帳房內派出一人看  
藍旗出營各自尋取柴薪看黑旗出營各自  
取水兵丁出營大便小便者各營守門官員  
頭目驗明所帶照牌放出放進如起更後非  
係奉差出營者一槩不准出營如違滿洲蒙  
古兵丁鞭四十綠旗兵丁細責三十棍該管  
委署護軍校領催紅旗管隊等不行約束嚴  
查者插箭

一 夜傳軍令怠慢不遵以及巡查坐堆偷安眠  
睡以致誤更曠班者滿洲蒙古兵丁鞭一百  
綠旗兵丁細責八十棍該管紅旗管隊不行  
查報者滿洲蒙古兵丁鞭五十綠旗兵丁細  
責四十棍打仗之時犯者斬

一 兵丁在營敢在該管官員面前妄行動作驕  
慢無禮者耳鼻插箭遊營

一 各營馬步兵丁鎗礮手所帶火藥不行加謹  
收貯以致潮濕不能著火及攜帶行走之時

玩忽怠慢以致拋撒併應用之時任意糜費者滿洲蒙古兵丁鞭五十綠旗兵丁細責四十棍該管紅旗管隊插箭遊營如不加謹以致遺失者滿洲蒙古兵丁鞭一百綠旗兵丁細責八十棍該管委署護軍校領催紅旗管隊插雙箭遊營

一兵丁所帶鉛彈務令按鎗口之大小如式製造如鉛彈不合鎗口係平日演放查出滿洲蒙古兵丁鞭五十綠旗兵丁細責四十棍仍

插箭遊營該管委署護軍校領催紅旗管隊  
插箭遊營護軍校驍騎校千總把總插箭如  
係打仗之時將此等不合鎗口之鉛彈濫用  
者兵丁立斬該管委署護軍校領催鞭一百  
紅旗管隊細責一百棍護軍校驍騎校千總  
把總插箭遊營營總叅領叅將守備記大過  
一次

一行兵之時馬駝弓膽併牧放各項牲畜羊隻  
之處俱有傳文官兵理宜遵照弓膽牧放如

不按法弔臚乘時收放者承管兵丁係滿洲  
蒙古鞭一百係綠旗細責八十棍該管護軍  
校驍騎校委署護軍校領催守備千把插箭  
一沿途劄營地方所有井泉飲馬之時務須挨  
次往飲毋許爭先以致壅塞如敢故意違犯  
以致踐踏污穢井泉者滿洲蒙古兵丁鞭一  
百綠旗兵丁細責八十棍

乾隆十三年奉

上諭軍旅乃國家第一要務軍法從事定例綦嚴今刑

律內玩寇老師有心貽誤竟無正條非所以重軍務  
儆戒失律也夫科場作弊尚卽正典刑若以行軍相  
較孰爲輕重自應稽察舊案明著刑章俾衆知畏法  
方能鼓勇用命此非朕欲用重典實以昭示武臣肅  
紀律而勵勇敢辟以止辟之義也現在纂修會典著  
軍機大臣會同該部詳酌定例具奏載入遵行欽此

一統兵將帥玩視軍務苟圖安逸故意遷延不  
將實在情形具奏貽誤國事者擬斬立決

一將帥因私忿媚嫉推委牽制以致糜餉老師



經畧禮節

一曰受

勅印之儀八旗志崇德間

授大將軍勅印於演武場順治十五年康熙十三年

授大將軍勅印於

太和殿乾隆十三年

授經畧勅印於

太和殿凡授經畧

勅印鹵簿大駕全設王以下文武各官俱朝服齊集



如常儀內閣大臣設所頒

勅印於

太和殿外東旁黃案上鴻臚寺官引經畧及隨征  
各官至

太和殿丹陛上排立禮部堂官奏請

御殿樂作

陞座鴻臚寺官引經畧及隨征等官排班贊跪經畧  
及隨征各官皆跪大學士捧所設黃案上

勅印授經畧經畧跪受轉授叅贊大臣亦跪接鴻臚

寺官引經畧及隨征大臣官員行三

九叩

禮畢掾

勅印官由中門出經畧隨行

一曰祓社之儀會典崇德間將軍出征

躬祭

堂子列燾行禮康熙十三年

命將詣

堂子上香雍正九年撫遠大將軍臨行

代告祭於

奉先殿又薦燹於德勝門乾隆十三年經畧臨行前期

一日告祭

奉先殿

上詣

堂子并列燹行禮凡經畧啓行屆期告祭

奉先殿應否

皇帝親行或遣代由禮部請

旨

皇帝祭

堂子鹵簿大駕向

堂子排設兵部設八旗大纛八桿於

堂子內門外南牆下屆期禮部堂官奏請

駕詣

堂子經畧及諸王貝勒并隨征大臣官員俱隨行將至

鳴螺

皇帝進

堂子上香畢禮部堂官恭導就位行禮經畧等俱依次

排立止鳴螺鳴贊官恭奏

金匱要略卷三十一  
皇帝行禮經畧等皆隨行禮畢鳴螺

皇帝於兵部排設纛前行禮經畧等皆隨行禮畢禮

部堂官請

駕出樂作禮成

一曰祖道之儀八旗志崇德間

駕送大將軍行里許由懷遠門還

宮康熙十三年

駕出長安右門送大將軍行是年七月

命將出征派內大臣出

長安右門祖餞二十九年

駕出東直門視將軍啓行乾隆十三年

駕臨長安左門送經畧大學士行凡經畧啓行或遣官

代送或

皇帝躬送由禮部請

旨如奉

旨躬送設

黃幄於

長安門外

或左或右亦由禮部臨期請

旨鹵簿大駕於

欽定中樞政考卷二十八

訓

五

天安門外橋前向內排列

皇帝於禡纛畢樂作

駕行經畧及隨征大臣等俱上馬隨行至

黃幄

皇上御座

賜酒親餞經畧跪飲畢俱佩弓矢上馬啓行

駕還樂作其奉

旨派往前送之文武大臣等俱同行至列兵處所禮

部設帳幄光祿寺設茶備宴禮兵二部堂官

遞茶飲畢鴻臚寺官前導至

闕行謝

恩禮畢啓行

一日整旅之儀雍正九年

命大將軍行設參贊大臣以內閣學士隨印又派中書翰林院筆帖式等官又例內大將軍行帶肅  
幟令箭前往兵部派司官一員爲總尉及筆  
帖式領催聽差兵等隨往乾隆十三年

命經畧西征設參贊大臣并隨帶侍衛記室等官凡隨



征叅贊大臣奉

旨欽派外護

勅印官派內閣學士一員中書翰林院筆帖式各二員記室官四員戶兵二部總尉各一員刑部理事司官一員如係蒙古地方應派理藩院官一員其隨帶侍衛應否派往之處恭候

欽定儀導則

欽賞軍器爲頭隊

如甲冑刀槍弓矢之屬

次列令箭十二枝

列

勅印護

勅印官隨行經畧騎後兼以大纛叅贊大臣及戶兵

二部總尉刑部官記室官中書侍衛等均隨

纛行又次以十二標旗大隊軍旅殿

按領侍衛內大

臣統兵或帶八旗大纛或帶黃

龍大纛兵部臨期請

旨

一曰守土官相見之儀凡經畧所過地方守土

官如將軍督撫易蟒袍補服出郭三里迎候

經畧下馬將軍督撫進前跪請

聖安文官自司道以下俱蟒袍補服武官自總兵以

下俱披執率弁兵列陣跪道迎接提督副都  
統屈一膝問安經畧陞官廳正坐將軍督撫  
僉坐文官司道以下武官提督副都統以下  
行庭參禮將軍總督辭出經畧送至所坐廳  
下巡撫辭出經畧起立不送經畧起行將軍  
督撫以下各官於三里外候送如前儀文移  
則經畧與將軍督撫用照會與提督副都統  
用劄與總兵以下皆用牌將軍督撫與經畧  
用咨呈提督副都統以下與經畧用申呈

禮節行若外藩部落謁見幕外預備官員俱  
進幕內排立值班官弁兵丁俱各按汛整齊  
排立軍門鼓吹聲礮經畧陞座外藩人前跪  
稟詞稟畢出各官弁兵丁皆退

一曰簡閱之儀凡簡閱營伍經畧啟行軍門鼓  
吹聲礮守營各大臣及官兵離營里許候送  
頭隊齋

勅印前行十二標旗隨後周巡各大臣提鎮等官屯  
營處所每至一營時官兵皆離營一里外整

隊列陣迎候領隊大臣俱屈一膝問安經畧  
閱過大臣等率所屬官兵隨行離本汛乃止  
若經畧命回營卽返或經畧遠出逾日乃返  
道經各營如前儀經畧回本營軍門鼓吹聲  
礮守營大臣官員兵丁俱離營一里外迎候  
大臣等肅立問好餘官俱屈一膝問安

一曰獻俘之儀會典內開雍正二年

命將討平青海解送俘囚至京欽天監擇日獻俘於

太廟

社稷壇至期兵部率解俘官兵押俘以白組繫頸由

長安右門入進

天安西門至

太廟街門外向北立候告祭大臣至令俘向北跪告祭

大臣進

太廟陪祀文武官員先集行禮禮畢兵部率解俘官兵

押俘至

社稷壇街門外向北跪其餘如前儀兵部率解俘官兵

押俘出於獻俘次日行受俘禮設黃幄

御座於

午門樓楹簷正中儀仗全設至期諸王以下文武  
各官俱朝服齊集按班排立鴻臚寺官報班  
齊禮部堂官詣

乾清門奏

聞

上具補服龍袍乘輿出宮

午門鳴鐘鐃歌大樂金鼓全作

上由東道上至

午門樓前楹降輿陞黃幄

寶座樂止鑾儀衛官贊鳴鞭鳴鞭三鴻臚寺官贊解俘  
將校排班贊進贊跪叩興樂作行三跪九叩  
禮興樂止贊退鴻臚寺官贊受俘兵部率解  
俘將校押俘向上跪兵部堂官趨至  
午門前奏所獲叛逆俘囚謹獻

闕下刑部堂官趨至

御道之旁恭立承

旨大臣候



金史卷三十一  
宣  
旨宣

制曰所獻俘交刑部鴻臚寺官接宣刑部堂官跪領

旨兵部司官引俘交刑部司官押出鴻臚寺官贊排班

諸王貝勒貝子文武大臣有頂帶官員至行

禮處排立贊進贊跪叩興樂作王以下文武

各官行三跪九叩禮興樂止鑾儀衛官贊鳴

鞭鳴鞭三

駕興大樂金鼓全作

止乘輿還宮等語乾隆二十年擒獲叛逆巴朗猛克特

墨爾並雍正年間叛逃之羅卜藏丹津獻俘  
於

太廟

社稷壇二十一年平定伊犁擒獲達瓦齊獻俘行禮均  
與雍正二年討平青海之儀同二十五年平  
定回部解送馘俘至京

皇帝御

午門樓行受馘受俘禮至期鹵簿大駕全設

上御龍服乘輿出

太和門鑾儀衛饒歌大樂金鼓全作

上陞

午門樓

寶座樂止三鳴鞭鴻臚寺官贊獻馘俘解馘俘將校至  
御道西向上立樂作解馘俘將校行三跪九叩禮  
禮畢樂止退鴻臚寺官贊受馘俘兵部司員  
率解馘俘將校至金鼓之末將獻馘置地俘  
囚向上跪兵部堂官奏獻所獲馘俘請

旨刑部堂官跪領

諭旨兵部司員押誠俘交刑部司員出

天安右門樂作諸王以下文武各官行三跪九叩  
禮禮畢樂止三鳴鞭大樂金鼓全作

皇帝乘輿還宮王以下文武各官俱退

一曰受降之儀康熙三十六年滅噶爾丹有阿  
喇卜灘等率部衆乞降

諭以德意并加獎賞乾隆十四年平定金川番酋乞命  
投誠築壇納款經畧奉

詔受降二十四年平定回部葉爾羌回衆納款乞降均

宣諭

聖德大書露布馳報京師凡克捷受降軍營飛章入告并大書露布傳示中外築受降壇於大營之左壇方南向壇以南百步許樹大旗書奉

詔納降字降者至兵部總尉伴引立旗下贊禮官請經畧出營鼓吹聲礮奏贊大臣及各官皆隨行兵部總尉令降者於受降旗旁北向跪匍伏候經畧登壇鼓吹聲礮奏贊大臣及一品大臣分翼僉坐隊伍將領等官分兩旁肅立

其餘官校兵丁分班排立兵部總尉引降者  
膝行抵壇前匍伏經畧宣諭

德意訖酌加賞賚軍門鼓吹降者泥首伏謝仍膝行  
而退

一日告成之儀康熙三十六年滅噶爾丹行祭  
告禮羣臣請上

尊號勒銘於察罕七羅等處建碑太學雍正二年平定  
青海舉告成禮乾隆十四年金川平定祭告  
成功

親謁

陵寢并

御製碑文勒石太學二十一年平定準噶爾勒銘於伊

犁格登山等處建碑太學二十四年平定回

部祭告成功

親謁

陵寢勒銘於葉爾羌伊西洱庫爾淖爾等處并

御製碑文勒石太學凡奏凱告成致祭於

天

地

太廟

奉先殿

社稷壇

陵寢

皇帝或躬詣行禮或遣官恭代由禮部請

旨釋奠於

先師孔子勒碑於太學或

御製碑文或遣翰林院官撰擬由內閣請



吉羣臣恭進

賀表并請開館分派儒臣編纂方畧全書以垂奕

禩

一曰勞師之儀順治十三年題准凡凱旋將軍

等盛駕

陞殿

賜宴康熙元年議定凡大兵凱旋

皇帝陞殿筵宴雍正二年青海告捷

陞殿受賀乾隆十四年大兵凱旋

上陞殿經畧并叅贊大臣等謝

恩恭繳

勅印擇曰

賜宴於瀛臺經畧及隨征大臣官弁兵丁等皆入宴賞

賚優渥凡師旋將入城

遣廷臣出郭迎勞經畧還

朝謝

恩

皇帝陞殿鹵簿大駕全設樂作諸王以下文武各官

欽定中樞政考

卷二十八

訓練

三

俱朝服分翼排立如常儀鴻臚寺官引經畧  
及凱旋大臣官員等俱朝服於

丹陛上恭繳

勅印行三跪九叩禮畢樂止

皇帝還宮衆官皆退翌日光祿寺設宴其設宴處

先期由禮部請

旨筵宴時經畧及凱旋大臣官員將士俱入宴上坐  
滿漢大臣陪宴禮畢經畧及隨征大臣以次  
爵賞并官弁等所立功勲兵部考核議敘各

有差康熙二十一年大將軍等凱旋

駕臨盧溝橋往迎是日鹵簿大駕全設王以下子男以上俱常服文武各官朝服跪候

駕由長安右門出宣武門漢大學士尚書侍郎等預赴行宮具蟒服跪迎

駕至

行宮駐蹕司設監設黃幄

御座禮部設青幄工部設下馬紅柱兵部設八旗護軍

纛及號螺次日禮部奏詩

陞與王等及大臣侍衛俱蟒服隨行

駕至紅柱處鳴螺王等各官於兩翼幄下排立凱旋大

將軍各官行三跪九叩禮禮畢

賜坐各行一跪一叩禮大將軍各官於兩翼班首坐有

功兵丁在班後坐

賜茶畢謝

恩

駕出黃幄鳴螺

駕過螺北

駕還宮樂作

午門外齊集各官跪候

駕過樂止衆皆退乾隆二十五年定邊將軍等凱旋

上駐蹕黃新莊

親行郊勞預令嚮導大臣率員相度交地方官築臺至

日鹵簿大駕全設武備院設黃幄

御座拜褥禮部會同工部兩翼設青幄各八兵部於臺

上左右設將軍凱旋臺臺下設號螺工部陳

櫻薦臺下兩旁立下馬紅柱

上御龍服乘輿出

行宮三品以下文武官員跪送

駕至郊勞處螺鳴饒歌大樂作將軍從征大臣官兵俱戎服王公文武大臣俱蟒服於紅柱外跪

駕降輿

牌臺將軍從征大臣官員在西王公文武大臣在東

上拜

天行三跪九叩禮將軍王公大臣官員俱隨行禮禮畢駕御黃幄陞座王公大臣於東幄下排立將軍及從征

大臣官兵行三跪九叩禮禮畢將軍大臣行  
跪見禮於西幄下排立

賜坐各行一跪一叩禮

賜茶各於坐次行一叩禮禮成

上出黃幄乘騎樂止停鳴螺凱歌樂作將軍王公大臣  
官員俱隨

駕還宮樂止三品以下官員跪迎如初儀是日

賜宴於黃新莊

行宮翌日將軍及從征大臣官員等扈從回京恭



候

陞殿行禮謝

恩

賜宴於瀛臺

頒賞錫賚有差

以上經畧儀注如專遣大將軍領兵者照此  
行如經畧與大將軍並設則平行分左右

點驗軍器

乾隆四十六年四月內奉

上諭三旗侍衛鑾儀衛章京等盔甲著停其點驗欽此

乾隆五十二年二月內奉

旨文職七品以下武職六品以下微員盔甲軍械嗣後  
著停其點驗欽此

嘉慶八年閏二月內奉

旨兵部議奏查明八旗應行點驗盔甲器械官員請展  
期辦理一摺著照所議行惟內稱健銳營內務府三

旗護軍統領圓明園八旗內務府三旗恭遇大閱並  
無執事各該營官兵均請免其製備盔甲此則非是  
向來健銳各營雖遇大閱之期例無應行環甲等事  
但營政攸關一切盔甲自應如式製備以壯一  
因各該營官兵不在大閱數內輒將所用盔甲竟  
製備殊不足以昭體制嗣後健銳等營不過免其  
驗所有盔甲仍著一體自行製備至文職三品以下  
不兼武職人員均著免其製備盔甲欽此

嘉慶九年二月內奉

旨外火器營盔甲著照例免其點驗仍令自行製備欽此

嘉慶十九年二月內奉

上諭盔甲一項原以飾軍容而明儀衛於禦侮折衝實用尚非所亟著通飭八旗各大臣官員將應有者自行修補存貯免其點驗等因欽此

嘉慶二十三年三月內奉

上諭八旗軍械自應勤加點驗以警廢弛向例每屆五年點驗一次歷時較遠著改爲三年由兵部奏派王

大臣點驗一次等因欽此

一八旗王公宗室佐領宗室御史宗室司員等  
軍器由宗人府奏請點驗

一八旗各營文武大臣官員盔甲將應有者自  
行修補存貯免其點驗仍查點軍器

一八旗文職三品以下不兼武職人員及各部  
院候補額外學習司員理藩院委署主事盔  
甲免其製備其弓刀箭撒袋均應一體點驗  
一八旗各營文武大臣官員器械兵部三年

次奏請點驗屆期將親王郡王領侍衛內大臣滿洲蒙古都統滿洲補授漢軍都統等職名繕摺具奏恭候

欽點數員會同兵部堂官詳加查驗並咨行侍衛處出派侍衛十二員抽數箭枝將各旗營大臣官員箭枝每員名下各抽取一枝送王大臣查驗後兵部當卽按冊查對如有銜名不符者卽行查辦

一八旗滿洲蒙古每旗各派叅領二員會同兵

部司員查點軍械數目倘有虧缺不全及不完固者卽行叅奏交部分別議處

例載處分則例軍器

門至棉甲號帽收貯

東華門樓內腰刀箭枝撒袋收貯

端門樓內仍派包衣官員於每年四季留心瞭曬毋致濕鏽至需用時領用每遇奏請查驗八旗等處軍械時

派出王大臣就近赴各門樓一體查驗稍有應行修理者動支官項修理

一海內大臣三旗侍衛鑾儀衛章京文職七品  
以下武職六品以下微員並入旗年未及歲  
食半俸之世職官員軍械俱停其點驗內年未及  
歲佐領及侍衛等官兼佐領並宗室佐領  
應點驗佐領分內旗蠲至散秩大臣在旗不  
走並由外任以旗員補用尙未得  
缺食半俸人員器械仍應點驗



查驗各旗營各堆撥軍器

嘉慶二十三年三月內奉

上諭托津等議覆御史汪彥博條奏整飭武備一摺所  
議是紫禁城內外及圓明園各門各堆撥及八旗堆  
撥火班城門偏吉看守公所倉庫各堆撥腰刀弓箭  
撒袋長槍前於十八年冬間一律更換整齊此項軍  
械著照該御史所奏仿照查閱圈馬之例每年由兵  
部奏請欽派大員查驗一次以昭核實等因欽此

紫禁城內外及

圓明園各門各堆撥並八旗堆撥火班城門偏吉  
看守公所倉庫各堆撥以及巡捕五營堆撥  
腰刀弓箭撒袋長槍等項行文各該旗營將  
應點軍器名目件數造冊送部兵部於每年  
冬季將親王郡王領侍衛內大臣滿洲蒙古  
都統滿洲補授漢軍都統等職名繕摺具奏  
恭候

欽點數員會同兵部堂官詳加查驗如有損壞缺額

查明祭辦屆期八旗堆撥火班城門偏官各  
驗圓明園八旗三山各處軍械運赴該  
處教場查驗外其紫禁城及圓明園各  
禁門堆撥軍  
械分往查驗

點驗

盛京官兵軍器

盛京八旗包衣三旗戶禮兵刑工五部并所屬各  
城各邊門以及水師營文武官員兵丁盔甲  
軍械戰船每屆三年

盛京兵部堂官率領司員點驗一次恭疏具題

查點軍器處分

查點驗軍器時如有弓矢等項全無及軍器缺  
額並破壞不堪箭上無字書寫他人姓名者  
係官分別議處兵丁分別鞭責革退該管都  
統叅領等官按照失察所屬官兵名數分別  
議處

例載處分則  
例軍器四

王公等弓箭數目

一親王箭三千枝弓十張世子箭二千五百枝  
弓九張郡王箭二千枝弓八張長子箭一千  
七百枝弓七張貝勒箭一千五百枝弓六張  
貝子箭一千枝弓六張鎮國公箭七百枝弓  
四張輔國公箭六百枝弓四張鎮國將軍箭  
四百枝弓二張輔國將軍箭三百枝弓二張  
奉國將軍箭二百枝弓二張奉恩將軍箭一  
百七十枝弓二張

官員箭枝數目

官員兵丁箭數公五百五十枝侯五百枝伯  
四百五十枝一品官四百枝二品官三百五  
十枝三品官二百五十枝四品官二百枝五  
品官一百五十枝六品以下官一百枝其文  
職三品京堂照二品官例四品京堂利道郎  
中照三品官例員外郎照四品官例主事鳴  
贊六品廕生七品八品廕監生照五品官例  
筆帖式照六品官例前鋒護軍親軍領催等

七十枝披甲人五十枝此定數內若職任大者照職任箭數官品大者照官品箭數



隨園王公大臣應帶箭枝數目

一恭遇

聖駕巡幸地方隨園王公大臣應帶梅針箭枝親王  
二百枝世子一百八十枝郡王一百六十枝  
長子一百四十枝貝勒一百二十枝貝子一  
百枝鎮國公八十枝輔國公七十枝鎮國將  
軍六十枝輔國將軍五十枝奉國將軍四十  
枝奉恩將軍三十枝公八十枝侯七十枝伯  
六十枝一品大臣五十枝二品大臣四十枝

三品大臣三十枝

在京各旗營步軍營巡捕五營委員盤查軍

器

一在京各旗營

八旗滿洲蒙古驍騎營漢軍驍騎營烏鎗營礮營箭牌營滿洲

蒙古漢軍新營房左右兩翼前鋒營八旗護

軍營健銳營火器營圓明園八旗包衣三

旗官兵處內務府三旗護軍營前

鋒營新鎗營陳鎗營城內九門 步軍營及

巡捕五營凡兵丁操演軍裝器械及守禦救

火器具各該管大臣於每年十月內派委妥

員逐細盤查如果均屬齊全取具該管官員

並無缺少印結及委員並無捏飾印結於十

一月內將各項軍裝器械數目註明原領原  
修年分分營造具漢字細冊並印結咨送兵  
部察覈彙總具題如有損壞查明已屆修製  
定限者卽照例報明兵部修製其自備者卽  
勒令自行修製整齊若未屆定限損壞及無  
故缺額者卽責令該管官照例賠補仍交部  
議處倘損壞缺少各械委員盤驗時未經查  
出別經發覺並扶同結報者均照例分別議

處

例載處分則  
軍器門

駐防委員盤查軍器

一各省將軍都統副都統等於到任時將所屬  
同城親標旗營一切軍裝器械限兩個月委  
員盤查其外屬各旗營一切軍裝器械限三  
個月委員盤查保題一次仍取具該管官員  
並無缺少印結及委員並無捏飾印結存案  
又於每年十月內將所屬各旗營委員盤查  
造冊詳送該將軍都統副都統於封印前保  
題將所屬各旗營一切軍裝器械及守禦救

火器具數目原製原修年分分晰造冊送部

查覈如任意遲逾卽照造冊遲延例議處其

每年十月以後有收支軍械卽造入下年題

報冊內送部倘委盤保題之後仍有缺少別

經發覺者將從前委查之員並該管之將軍

都統副都統照例議處

例載處分則  
例軍器門

倘委員

明知缺少扶同捏報完全者將缺少本員及

委驗之員一併議處

例載處分則  
例軍器門

軍器缺額

一在官存貯軍器如有無故缺額經該管大臣

查出題叅者將專管官並該管上司分別議

處

例載處分則  
例軍器門

著令照數分賠如該管上司

查出揭報者將專管官照例議處

例載處分  
則例軍器

門

著令獨賠俱限六箇月賠完如逾限不完

將專管官住俸該管上司停陞仍令按數賠

補俟賠完之日開復其兵丁缺少該管官自

行查出揭報追補足額者免議至於駐防新

舊各官俱限一月交代離任官員取新任官  
查收清楚同文方許起程接任官員如已經  
交盤並無缺少造冊出結通報該管上司大  
臣歲底造冊報部如舊官推卸玩延新官措  
勒隱匿俱照交代遲延例分別逾限日期多

寡照例議處

例載處分則  
例軍器門

至病故之員缺少

軍器者如該管上司病故著落專管官獨賠  
專管官病故著落該管上司獨賠倘專管官  
及該管上司一時病故著落從前未經查出



之專管官及該管上司賠補其缺少之軍器  
如果係歷久朽壞出師缺損因公動用者准  
其報明兵部動項補造倘有借端派累者俱  
照因公科斂例分別首從照例議處

例載處  
分則例

軍器  
門

贖當軍器

一將關給軍器贖當者係官革職兵丁革退  
交刑部治罪軍器俱追繳其開常人亦交刑  
部治罪失察之佐領驍騎校等照例議處  
處分則例  
軍器門

兵丁軍器交代

一八旗官兵遇陞遷事故缺出其本人舊有軍器係動官項置備者卽照數給與新頂補之人若係伊等自備者除官員之軍器聽其自便外至兵丁之軍器該管官酌其置備之年分作定價值給與新頂補之人卽將頂補之人應領錢糧照指餉製造軍器之例限二十箇月扣完給付舊兵該管大臣將所屬官兵軍器於每歲立冬之後查閱一次各該叅佐

領亦詳加查閱至新補官員兵丁有願自置  
軍器者限三箇月置備如有將關給軍器私  
賣者係官革職兵丁革退均交刑部照律治  
罪其失察之該管官照例議處

例裁處分別  
例軍器門

礮營交代

一八旗礮營叅領等接任時將礮局所貯礮位  
及一切應用什物按冊查明具結交代如有  
殘缺損壞卽據實申報都統著落原管官賠  
補如徇情容隱接受者將接管官議處所有  
殘缺損壞物件卽著落接管官賠補

例載處  
分則例

軍器  
門